

# FUELGA

XUEVES  
**22**  
MARZU

**EN TOLOS IES D'ASTURIES  
POL DERECHU A ESTUDIAR ASTURIANU**

**LLINGUA ASTURIANA EN TOLOS INSTITUTOS  
EN CONDICIONES DIGNES Y DE NORMALIDÁ**

**POR UN SISTEMA EDUCATIVU ASTURIANU  
QUE RESPETE LOS NUESOS DERECHOS  
DEXA LES CLASES VACÍES, MOVILÍZATE!**

Apoyen:



# CONCENTRACIÓN

**A LES 12:00 NA PLAZA ESPAÑA D'UVIÉU  
FRENTE A LA CONSEYERÍA D'EDUCACIÓN**

**Xunta**  
**MOZA**

[www.exunta.org](http://www.exunta.org)

**La Consejería d'Educación fixo pública una propuesta de currículum pa la Educación Secundaria que va en contra de la llexislación vixente y que d'aprobase tal como ta redactada, daría una vuelta de tuerca más a la situación de marxinaición de la llingua asturiana nos institutos.**

De mano, la situación de l'asignatura d'asturianu en secundaria y bachilleratu ye ilegal. L'asignatura apaez como optativa, en competencia directa con otres materies, lo que discrimina a los compañeros y compañeres que quieren escoyer asturianu por nun tener accesu a la mesma formación n'otres materies que'l restu compañeros. Esto ta recoyío espresamente na Llei d'Usu y Promoción del Asturianu del añu 1998: *"...Pa los que lo escueyan, el so aprendizamientu o usu nun podrá torgar que reciban la mesma formación y conocimientu n'igualdá de condiciones que'l restu l'alumnáu."*

Esta llei recueye tamién: *"Nel exerciciu de les sos competencies, el Principáu d'Asturies ha garantizar l'enseñu del asturianu en tolos niveles y graos..."*. Dalgo que tamién s'incumple: l'asignatura d'asturianu nun s'ufierta nin en tolos centros, nin en tolos cursos, nin a tolos alumnos. Amás, impónense ratios mínimos d'alumnos pa poder garrar l'asignatura, colo que'l derechu a estudiar asturianu faise depender de la escoyeta d'otros compañeros de cursu.

**La consecuencia ye que tolos años hai miles de compañeros y compañeres en toa Asturias a los que se-yos niega la posibilidá de conocer la llingua asturiana.**

Agora, la Consejería d'Educación quier dar tovía una vuelta de tuerca más na marxinaición, faciendo que l'asignatura de Llingua Asturiana tenga que competir, amás de coles asignatures del llistáu d'optatives que yá hai, cola opción de refuerzu d'otres asignatures non optatives.

Non solo ye inaceptable que se dean pasos atrás nos nuestos derechos, ye necesario que s'entamen les midíes necesaries pa que se respeten y se reconozan dafechu: dignificación y normalización de la presencia de l'asignatura en tolos centros y en tolos cursos; usu del asturianu como llingua vehicular na enseñanza d'otres materies, normalización de la situación de la llingua nos centros (na rotulación, nos impresos, nes rellaciones cola alministración de los centros, etc...).

**Por un sistema educativu que respete los nuestos derechos, el prósimu xueves 22 de marzu fai fuelga, movilizate y ven a la concentración que ta convocada a les 12:00 na Plaza España d'Uviéu.**